

**სახელმწიფო შესყიდვების შესახებ
ხელშეკრულება N 111**

ქ. თბილისი

04 აგვისტო 2020 წელი

ერთის მხრივ **სსიპ სოფლის მეურნეობის სახელმწიფო ლაბორატორია** (შემდგომში „შემსყიდველი“) წარმოდგენილი დირექტორის ირაკლი გულედანის სახით და მეორეს მხრივ **ი.მ. ჯგერელი ჯგერელიძე** (შემდგომში „მიმწოდებელი“) ვხელმძღვანელობთ რა საქართველოს მოქმედი კანონმდებლობით, შემსყიდველის მიერ ჩატარებული ელექტრონული ტენდერის (NAT200009141) საფუძველზე, ვდებთ წინამდებარე „სახელმწიფო შესყიდვის“ ხელშეკრულებას (შემდგომში ხელშეკრულება) შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“, „წელი“ – კალენდარული დღე, კვირა, თვე, წელი.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.6. „სამუშაო“ – ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – გამარტივებული ელექტრონული ტენდერის სატენდერო დოკუმენტაციის ტექნიკური დავალება, რომელიც არის ხელშეკრულების, განუყოფელი ნაწილი.

2. ხელშეკრულების საგანი

- 2.1 ხელშეკრულების საგანია ქ. გორში, თამარ მეფის ქ. N77 მდებარე სსიპ სოფლის მეურნეობის სახელმწიფო ლაბორატორიის გორის ლაბორატორიის შენობის სამშენებლო-სარემონტო სამუშაოების (CPV 45410000, CPV 45430000, CPV 45440000, CPV 45450000) (NAT200009141, 29.06.2020 წ.) შესყიდვა ხარჯთაღიძვრა-დანართი №1-ის (დანართი N1 წარმოადგენს ხელშეკრულების განუყოფელ ნაწილს) შესაბამისად, წინამდებარე ხელშეკრულების პირობების დაცვით.
- 2.2 ხელშეკრულების დაფინანსების წყაროს წარმოადგენს სახელმწიფო ბიუჯეტის სახსრები.

3. ხელშეკრულების ღირებულება

- 3.1 მთლიანი სახელშეკრულებო ღირებულება საქართველოს კანონმდებლობით დადგენილი ყველა გადასახადისა და ხარჯის გათვალისწინებით შეადგენს **23349.45 (ოცდასამი ათას სამას ორმოცდაცხრა ლარი და 45 თეთრი) ლარს**.
- 3.2 ერთეული სამუშაოების ღირებულება განსაზღვრულია შესასრულებელ სამუშაოთა მოცულობათა უწყისში (ხარჯთაღიძვრა), დანართი №1-ში.

4. სამუშაოების მიწოდების ვადა და პირობები

- 4.1 სამუშაოები დაწყებულ უნდა იქნას ხელშეკრულების გაფორმებიდან არაუგვიანეს 2(ორი) სამუშაო დღისა და სამუშაოების სრულად მიწოდება უნდა განხორციელდეს ხელშეკრულების გაფორმებიდან არაუგვიანეს 40(ორმოცი) კალენდარული დღის ვადაში, **არაუგვიანეს 2020 წლის 14 სექტემბრისა**.
- 4.2 მიმწოდებელმა უნდა უზრუნველყოს სამშენებლო-სარემონტო სამუშაოების ხარისხიანად შესრულება ხარჯთაღიძვრაში მითითებული სახეობებისა და მოცულობების შესაბამისად მშენებლობის უსაფრთხოების წესებისა და საქართველოში მოქმედი სამშენებლო ნორმების მოთხოვნათა სრული დაცვით;
- 4.3 სამუშაოებში გამოყენებული მასალები უნდა იყოს ახალი, ექსპლოატაციაში არნამყოფი. „შემსყიდველს“ უფლება აქვს, მოითხოვოს გამოყენებული მასალების შესაბამისობის სერტიფიკატი;
- 4.4 მიმწოდებელმა სამუშაოების შესასრულებლად გამოსაყენებელი მასალების ფერი და ფაქტურა უნდა შეათანხმოს შემსყიდველთან;
- 4.5 გაუთვალისწინებელი სამუშაოების ხარჯების ანაზღაურება განხორციელდება მხოლოდ ასეთი ხარჯების არსებობის შემთხვევაში. გაუთვალისწინებელი ხარჯების არსებობისას მიმწოდებელმა უნდა უზრუნველყოს ასეთი ხარჯების დეტალური გაშიფვრა და დასაბუთება, რომლის საფუძველზეც განხორციელდება ფორმა #2 -ის გაფორმება. გაუთვალისწინებელი სამუშაოების გაწევის უფლება მიმწოდებელს ეძლევა შემსყიდველის თანხმობის შემთხვევაში;
- 4.6 „მიმწოდებელი“ ვალდებულია, სამუშაოების მიმდინარეობის პროცესში დაიცვას უსაფრთხოების წესები

„შრომის უსაფრთხოების შესახებ“ საქართველოს ორგანული კანონის მოთხოვნათა შესაბამისად, აგრეთვე დაიცვას კოვიდ-19 ვირუსის გავრცელების პრევენციის მოთხოვნები, მინიმუმამდე დაიყვანოს ხმაურის დონე და მტვრის რაოდენობა, ყოველი სამუშაო დღის ბოლოს მაქსიმალურად დაასუფთაოს სამუშაოს ჩატარების ადგილი და გაიტანოს სამშენებლო ნარჩენები ეზოში გამოყოფილ ადგილზე, ხოლო სამუშაოების დასრულების შემდეგ გაათავისუფლოს სამუშაო ადგილი და მიმდებარე ტერიტორია სამშენებლო ნარჩენებისგან.

5. სამუშაოთა მიღება-ჩაბარება

5.1 სამუშაოების მიღება-ჩაბარება შესაძლებელია განხორციელდეს ორ ეტაპად მიმწოდებლის მიერ წარმოდგენილი ფაქტიურად შესრულებული სამუშაოთა მოცულობების შესაბამისად შედგენილი ფორმა #2-ის საფუძველზე.

5.2 მიმწოდებელმა უნდა უზრუნველყოს მის მიერ წარმოდგენილი ფორმა #2-(ებ)ის ექსპერტიზა სსიპ „ლევან სამხარაულის სახელობის სასამართლო ექსპერტიზის ეროვნული ბიურო“-ში ან სხვა აკრედიტირებული ექსპერტის/ექსპერტიზის ორგანოს მიერ.

5.3 საექსპერტო დასკვნების საფუძველზე მიმწოდებლისა და შემსყიდველის უფლებამოსილი წარმომადგენლების მიერ ფორმდება სათანადო მიღება-ჩაბარების აქტი. შემსყიდველის მხრიდან მიღება-ჩაბარებას განახორციელებენ და შესაბამის აქტ(ებ)ს ხელს მოაწერენ სსიპ სოფლის მეურნეობის სახელმწიფო ლაბორატორიის სამეურნეო განყოფილების უფროსი იოსებ ჩორგოლაშვილი, ამავე განყოფილების მშენებლობის ტექნიკური ზედამხედველი რევაზ სიჭინავა და გორის ლაბორატორიის უფროსი მაია მაზმიშვილი.

5.4 სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული ექსპერტის/ექსპერტიზის ორგანოს დასკვნ(ებ)ის მოპოვება არის მიმწოდებლის ვალდებულება და აღნიშნული მომსახურების ღირებულების ანაზღაურებას უზრუნველყოფს „მიმწოდებელი“.

6. მხარეთა უფლება-მოვალეობანი

6.1 შემსყიდველი და მიმწოდებელი მოქმედებენ საქართველოს კანონმდებლობის სრული დაცვით.

6.2 შემსყიდველი ვალდებულია:

5.2.1 დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

6.2.2 ხელშეკრულებით გათვალისწინებული სამუშაოების შესრულებისას საქმის კურსში ჩააყენოს მიმწოდებელი ყველა განსაკუთრებული გარემოებების წარმოშობის შესახებ;

6.2.3 ხელშეკრულებით გათვალისწინებული პირობების შესაბამისად აუნაზღაუროს მიმწოდებელს შესრულებული სამუშაოების ღირებულება;

6.2.4 შემსყიდველი ვალდებულია, ოპერატიულად, სიტყვიერი ან/და წერილობითი სახით, აცნობოს მიმწოდებელს შემოწმების შედეგები დაწუნებული სამუშაოს მოცულობისა და წუნდების მიზეზის მითითებით. სამუშაოების შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.3. შემსყიდველს უფლება აქვს:

6.3.1. ხელშეკრულების მიმდინარეობის ნებისმიერ ეტაპზე განახორციელოს ინსპექტირება და ზედამხედველობა მიმწოდებლის მიერ ხელშეკრულების პირობების დაცვაზე;

6.3.2. განახორციელოს მიმდინარე/შესრულებული სამუშაოების ტექნიკური ზედამხედველობა და შეამოწმოს მათი შესაბამისობა საქართველოში მოქმედი სამშენებლო ნორმებისა და წესებით გათვალისწინებული ხარისხის კრიტერიუმების, ტექნიკური სპეციფიკაციების, მოქმედი სტანდარტების, სატენდერო დოკუმენტაციისა და მიმწოდებლის მიერ წარმოდგენილი სატენდერო წინადადების გათვალისწინებით;

6.3.3. ხელი მოაწეროს შესრულებული სამუშაოების მიღება-ჩაბარების აქტებს და მასთან დაკავშირებულ სხვა დოკუმენტაციას;

6.3.4. მიმწოდებლისაგან მოითხოვოს სამუშაოების წარმოებასთან დაკავშირებული დამატებითი ინფორმაცია და დოკუმენტაცია.

6.4. მიმწოდებელი ვალდებულია:

6.4.1. დროულად და კეთილსინდისიერად შეასრულოს ხელშეკრულებით ნაკისრი ვალდებულებები;

6.4.2. სამშენებლო/სადემონტაჟო ნორმებისა და წესების სრული დაცვით უზრუნველყოს სამუშაოების მაღალი ხარისხით შესრულება და მათი დამთავრება ხელშეკრულების 4.1 პუნქტით განსაზღვრულ ვადაში;

6.4.3. ფარული სამუშაოები აწარმოოს შემსყიდველის მიერ შესაბამისად უფლებამოსილი პირის უშუალო ზედამხედველობის ქვეშ. მიმწოდებელი ვალდებულია, წინასწარ 2 (ორი) სამუშაო დღით ადრე აცნობოს

შემსყიდველს აღნიშნული სამუშაოების შესრულების თარიღის შესახებ.

6.4.4. სამუშაოების შესრულების პროცესში შემსყიდველის შეტყობინების მიღებისთანავე აღმოფხვრას უხარისხოდ შესრულებული სამუშაო შემსყიდველის მხრიდან რაიმე დამატებითი დანახარჯების გაწევის გარეშე;

6.4.5. სამუშაოების შესასრულებლად აუცილებელი მასალების, აღჭურვილობის და მექანიზმების მოწოდება უზრუნველყოფილი უნდა იქნას მიმწოდებლის მიერ. მიმწოდებელი პასუხისმგებელია, აღნიშნული მასალების, აღჭურვილობის და მექანიზმების უსაფრთხოებაზე. ხსენებული მასალების დაკარგვის ან გაუმართაობის შედეგად გამოწვეული რისკი ეკისრება მიმწოდებელს;

6.4.6. მიმწოდებელმა სამუშაოების განხორციელების პროცესში უნდა მიიღოს აუცილებელი ზომები ტექნიკური უსაფრთხოების და გარემოს დაცვის ღონისძიებების უზრუნველსაყოფად;

6.4.7 მიმწოდებელი ვალდებულია, ხელი შეუწყოს შემსყიდველს - მის ტექნიკურ ზედამხედველს შემოწმების-ზედამხედველობის ჩატარების დროს.

6.4.8 მიმწოდებელმა სამუშაოთა წარმოების ნორმების მიხედვით სისტემატურად უნდა აწარმოოს მასალებისა და შესრულებული სამუშაოს ხარისხის კონტროლი.

6.4.9 მიმწოდებელი ვალდებულია საქართველოში მოქმედი სამშენებლო ნორმებისა და წესების სრული დაცვით შეადგინოს ყველა ის დოკუმენტაცია, რომელიც საჭირო გახდება ექსპერტიზის სრულყოფილად ჩასატარებლად.

7. გარანტია

7.1 შესრულებული სამუშაოების ხარისხზე მიმწოდებლის მხრიდან უნდა გავრცელდეს გარანტია საბოლოო მიღება-ჩაბარების აქტის გაფორმების თარიღიდან 12(თორმეტი) თვის განმავლობაში.

7.2 საგარანტიო მომსახურება უნდა ვრცელდებოდეს საგარანტიო პერიოდში ნებისმიერი ხარვეზისა და დეფექტის აღმოფხვრაზე (შეკეთება/შეცვლა ახლით), გარდა შემსყიდველის მხრიდან გაუფრთხილებლობით გამოწვეული დაზიანებებისა.

8. ანგარიშსწორება

8.1 ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში, ლარში მიმწოდებლის მიერ ფაქტიურად შესრულებულ სამუშაოთა მოცულობების მიხედვით შედგენილი ფორმა #2-ის შესაბამისად მხარეთა უფლებამოსილი წარმომადგენლების მიერ შედგენილი და ხელმოწერილი მიღება-ჩაბარების აქტის საფუძველზე.

8.2 მიმწოდებლის მოთხოვნის შესაბამისად, შესაძლებელია ანაზღაურება განხორციელდეს ორ ეტაპად. ამ შემთხვევაში პირველ ეტაპზე შესრულებული სამუშაოების ღირებულება უნდა შეადგენდეს მთელი სამუშაოების ღირებულების არანაკლებ 40%-ს.

8.3 გაუთვალისწინებელი ხარჯების ანაზღაურება შესაძლებელია გაუთვალისწინებელი სამუშაოების შესრულებაზე შემსყიდველის წინასწარი თანხმობის საფუძველზე.

9. ხელშეკრულებაში ცვლილებების შეტანა

9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.

9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

9.3 ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ემუხლით გათვალისწინებული შემთხვევებისა.

9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

10.1 თუ ხელშეკრულების შესრულების პროცესში მხარეები წააწყდებიან რაიმე ხელისშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები

შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა

11.1 მხარის მიერ ხელშეკრულების პირობების სრული ან ნაწილობრივი დარღვევის და/ან შეუსრულებლობის შემთხვევაში მეორე მხარეს უფლება აქვს წერილობით ან ზეპირად მიუთითოს მას აღნიშნულ გარემოებაზე და მოსთხოვოს მისი გამოსწორება გონივრულ ვადაში, რაც შეტყობინების სახით ეგზავნება მეორე მხარეს, ხოლო შეტყობინებაში მითითებული ვადის უშედეგოდ გასვლის შემდეგ ან/და დარღვევის ხასიათიდან გამომდინარე შემსყიდველისთვის აზროს კარგავს ურთიერთობის გაგრძელება, ეს უკანასკნელი უფლებამოსილია, შეწყვიტოს წინამდებარე ხელშეკრულება.

11.2 ხელშეკრულებით გათვალისწინებული ვალდებულებების შეუსრულებლობის შემთხვევაში, დამრღვევ მხარეს ეკისრება პირგასამტეხლოს გადახდა, სახელშეკრულებო ღირებულების 10%-ის ოდენობით.

11.3 წინამდებარე ხელშეკრულებით გათვალისწინებული ვადების დარღვევის შემთხვევაში მიმწოდებელს დაეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.02%-ის ოდენობით.

11.4 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 0.2 პროცენტს, შემსყიდველი იტოვებს უფლებას, შეწყვიტოს ხელშეკრულება.

11.5 საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან. ამასთან, მხარეს შეუძლია მოითხოვოს მეორე მხარის მიერ ნაკისრი ვალდებულებების შეუსრულებლობით ან არაჯეროვანი შესრულებით მისთვის მიყენებული ზიანის ანაზღაურება.

11.6 ხელშეკრულებიდან ვადამდე გასვლასთან, ხელშეკრულების შეწყვეტასთან და ზიანის ანაზღაურებასთან დაკავშირებული საკითხები რეგულირდება წინამდებარე ხელშეკრულებითა და საქართველოს მოქმედი კანონმდებლობით

12. ხელშეკრულების შეწყვეტა მისი პირობების შეუსრულებლობის გამო

12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის წერილობითი შეტყობინების შემდეგ, გადაწყვეტილების ძალაში შესვლამდე არაუგვიანეს 3(სამი) სამუშაო დღისა:

12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია შეასრულოს მთლიანი სამუშაო, ან მისი ნაწილი;

12.1.2 თუ მიმწოდებელს არ შეუძლია შეასრულოს ხელშეკრულებით გათვალისწინებული, რომელიმე ვალდებულება.

12.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:

12.3.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზებისგან იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.3.2 მიმწოდებლის გაკოტრების შემთხვევაში;

12.3.3 საქართველოს კანონმდებლობით გათვალისწინებულ სხვა შემთხვევებში.

13. ხელშეკრულების შესრულების ინსპექტირება და სამუშაოთა ზედამხედველობა

13.1 შემსყიდველს ან მის წარმომადგენელს (მათ შორის მესამე პირის მეშვეობით) უფლება აქვს ხელშეკრულების შესრულების ნებისმიერ ეტაპზე, მათ შორის 7.1 პუნქტით გათვალისწინებულ საგარანტიო პერიოდში, განახორციელოს მიმწოდებლის მიერ ნაკისრი ვალდებულებების შესრულების და სამუშაოების ხარისხის პერიოდული კონტროლი.

13.2 ხელშეკრულების პირობების შესრულებაზე კონტროლს განახორციელებენ ხელშეკრულების 5.3 პუნქტში მითითებული პასუხისმგებელი პირ(ებ)ი.

13.3 შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია, ჩაატაროს ხარისხის კონტროლი და თუ აღმოჩნდება წუნი შესრულებული სამუშაო, მიმწოდებელი ვალდებულია, შემსყიდველის წერილობითი შეტყობინებით დადგენილ ვადებში გამოასწოროს წუნი, ან თუ მიმწოდებელი ვერ შეძლებს წუნის გამოსწორებას და შემსყიდველს გადახდილი აქვს ამ წუნდებული სამუშაოს ღირებულება, მიმწოდებელი ვალდებულია, მოახდინოს წუნდებული სამუშაოს ღირებულების დაბრუნება.

13.4 მიმწოდებელი ვალდებულია, საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო

პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

14. ფორს-მაჟორი

14.1 ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არარიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

14.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

15. სადაო საკითხების გადაწყვეტა

15.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

15.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.

15.3 პირობები, რომლებიც არ რეგულირდება ამ ხელშეკრულებით, მიიღება საქართველოს მოქმედი კანონმდებლობის შესაბამისად.

16. ხელშეკრულების მოქმედების ვადა

16.1 წინამდებარე ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2020 წლის 30 ოქტომბრის ჩათვლით, გარდა ამ ხელშეკრულების მე-6 მუხლით განსაზღვრული პირობებისა.

16.2 წინამდებარე ხელშეკრულება შედგენილია ქართულ ენაზე, დამოწმებულია ელექტრონულად და ინახება ხელშეკრულების მონაწილე მხარეებთან.

17. მხარეთა იურიდიული მისამართები და რეკვიზიტები

“შემსყიდველი“

„მიმწოდებელი“

სსიპ სოფლის მეურნეობის
სახელმწიფო ლაბორატორია

ი.მ. ჯემალი ჭოველიძე

ს/კ: 205162802

ს/კ: 59001001002

მის: ქ.თბილისი, გომიაშვილის ქუჩა №49

იურიდ. მის. ქ. გორი, სააკაძის ქ. №56

საბანკო რეკვიზიტები:

საბანკო რეკვიზიტები:

სახელმწიფო ხაზინის ერთიანი ანგარიში

სს „ვითიბი ბანკი“

ბანკის კოდი: TRESGE22

ბანკის კოდი: UGEBGE22

ანგარიში/სახაზინო კოდი:

ა.ანგ: GE44VT0200000018573602

707527102

ირაკლი გულედანი
დირექტორი

ჯემალი ჭოველიძე